

NOTTVEIT ENERGI AS
p.b.14
5732 MODALEN

Vår dato: 27.03.2023

Vår ref.: 200700908-42 Oppgi ved kontakt

Dykkar ref.:

NVE gjev utsett byggjefrist til overføring av Storebotnelv til Nottveit kraftverk i Modalen kommune

Vi viser til søknad frå Nottveit Energi AS datert 22.04.2021 om utsett byggjefrist for overføring av Storebotnelv i Modalen kommune.

Bakgrunn

NVE gav konsesjon til overføring av Storebotnelv i vedtak den 27.04.2016. Det følgjer av vassressurslova §§ 27 og 19 andre ledd og vassdragsreguleringslova § 15 at konsesjonen fell bort dersom ein ikkje er i gang med å byggje innan fem år frå konsesjonen blei gjeven. NVE kan forlengje fristen med inntil fem nye år.

Søknad

NVE har mottatt følgjande søknad frå Nottveit Energi AS:

«Vi viser til vedtak om konsesjon tildelt overføring av Botna til Nottveitelva av NVE datert 27. apr. 2016. I vassdragskonsesjonen punkt 2 står det følgende:

”2. Bortfall av konsesjon

Konsesjonen faller bort hvis ikke arbeidet er satt i gang senest fem år fra konsesjonens dato og fullføres innen ytterligere fem år jf. vannressursloven § 19 og vassdragsreguleringsloven § 12 nr. I tredje ledd. Norges vassdrags- og energidirektorat (NVE) kan forlengje fristen med inntil fem nye år. I fristene regnes ikke den tid som på grunn av særlige forhold (vis major), streik eller lockout har vært umulig å utnytte.”

Nottveit kraftverk er bygget i hht gitt konsesjon, men pga litt for mye lekkasje i boret vannvei har selve oppstarten latt vente på seg. Når det gjelder overføring av Botna-elva til Nottveit inntak så er allerede dynamitt kjøpt inn og er lagret på stedet samt at har maskinene stått klare på anlegget i over et år nå.

Vi venter nå bare på at detaljplanene for miljø og landskap (DML) fra NVE skal bli godkjent. Vi sendte dette inn første gang i desember 2019, men det er tydeligvis et



høyt arbeidspress på avdelingen, og arbeidene på anlegget har derfor måttet stoppe opp i påvente av en godkjent DML.

Siden konsesjonsfristen på 5 år for oppstart av arbeider nærmer seg, må vi nå søke om forlenget frist. Det har av disse grunner ikke latt seg gjøre å fortsette (starte) med den delen av prosjektet som omfatter overføring innen de opprinnelig gitte tidsfrister for konsesjonen, da DML ikke er godkjent,

Med denne bakgrunn søker vi derfor om 5 år fornyet frist slik vassressurslova § 19 og vassdragsreguleringslova § 12 nr. tredje ledd åpner for. Uvanlig lang behandlingstid hos NVE må kunne være et «særlig forhold» som etter rettspraksis blir tillagt vekt i forhold til at det ikke har vært mulig å realisere prosjektet tidligere.»

Søknad om forlengja byggjefrist blei sendt NVE før opphavleg frist gjekk ut.

Høyring

Søknad om forlengja byggjefrist har vore på høyring i Modalen kommune, Statsforvaltaren i Vestland og Vestland fylkeskommune for utsegn. NVE har mottatt følgjande merknader til søknaden om forlengja byggjefrist:

Statsforvaltaren i Vestland har sendt et felles fråsegn for Todeilselva kraftverk og overføring av Storebotnelv til Nottveit kraftverk. Dei uttaler følgjande i brev til NVE den 03.03.2023:

«Nye kartleggingar av biologisk mangfald i influenseområda til kraftverk og overføring, har ikkje registrert nye førekomstar eller viktig naturmiljø som skulle tilseie at det ikkje bør gjevast utsett byggjefrist. Vi har heller ikkje andre vesentleg opplysningar gjeldande våre ansvarsområde som ikkje var kjent i konsesjonsprosessane.»

NVE si vurdering

Ny kartlegging av biologisk mangfald

Den opphavelige kartlegginga av biologisk mangfald er frå 2006. Etter NVE si vurdering var ikkje den opphavelige kartlegginga tilstrekkeleg for å kunne vurdere søknaden om utsett byggjefrist. Dette er fordi kartlegginga følgjer ein metodikk frå før 2009, som sidan har blitt oppdatert fleire gonger. NVE bad derfor tiltakshavar om å gjennomføra ei ny kartlegging av biologisk mangfald i brev av 08.04.2022. NVE mottek den nye kartlegginga i brev av 12.11.2022.

På grunnlag av tidlegare og ny kartlegging av biologisk mangfald meiner NVE at det er innhenta tilstrekkeleg informasjon for å kunne vurdere omfanget og verknadene av tiltaket for kartlagde naturtypar, og sjeldne og trua artar. Samla sett meiner NVE at kunnskapsgrunnlaget i saka er godt nok greidd ut, jf. naturmangfaldlova § 8.

Den nye kartlegginga blei gjennomført i september 2022 av NNI Resources AS. Ifølgje rapporten er det ingen raudlista artar og naturtypar innanfor influensområdet, med



unntak av naturtypen elvevassmassar (NT). Innanfor nedbørsfeltet er det to spetteartar av nasjonal forvaltningsinteresse, hvitryggspett og dvergspett. Det er også sannsynleg at elvefuglar som fossefall besøker elva i kortare periodar ved god vassføring, men elva fungerer sannsynlegvis ikkje som eit funksjonsområde for desse artane. Rapporten vurderer derfor konsekvensen av tiltaket som ubetydeleg for både spetteartane og elvefuglar. Ifølgje kartleggjaren er det og fråvær av kalkrike naturmiljø i influensområde, noko som reduserer sjansane for funn av forvaltingsmessige viktige artar i kategoriane mosar og lav.

Etter NVE sitt syn kjem det ikkje fram ny informasjon i biologisk mangfald-rapporten som tilseier at tiltaksområdet har større verdi for biologisk mangfald enn det som blei teke i betraktning gjennom konsesjonsprosessen.

Oppsummering

Ein søknad om utsett byggjefrist inneber ikkje ei ny samla vurdering av fordelar og ulemper ved tiltaket, slik det blei gjort i handsaminga av konsesjonssøknaden. I sakshandsaminga om byggjefrist skal NVE berre vurdere om det har kome *nye* eller *endra* omstende etter at konsesjonen blei gjeven. Dersom det kjem fram ny vesentleg informasjon, kan NVE avslå ein søknad om forlengja byggjefrist. Eit sentralt moment i vurderinga vil være om ein kan sette nye vilkår som kan avbøte ulempene. Etablert forvaltningspraksis som er gjeve av forarbeida til vassressurslova og den reviderte vassdragsreguleringslova, gjer at det likevel er rimeleg å utvise omsyn når ein forlengjer byggjefrist.

Søknaden om forlengja byggjefrist har vore på høyring i Modalen kommune, Vestland fylkeskommune og Statsforvaltaren i Vestland for utsegn. Statsforvaltaren har svara at dei ikkje kjenner til nye forhold i det aktuelle området som kan ha betydning for konsesjonane. NVE har også gjort søk i Naturbase og Artskart. Vi kan ikkje sjå at det er kome fram ny informasjon som gjer at søknaden om forlengja byggjefrist bør bli avslått.

NVE sitt vedtak

NVE kan ikkje sjå at det er kome fram ny informasjon som gjer at søknad om forlengja byggjefrist for overføring av Storebotnelv bør bli avslått. I medhald av vassressurslova §§ 27 og 19 andre ledd, samt vassdragsreguleringslova § 15, blir byggjefristen forlengja med inntil fem år, til 27.04.2026.

Vi merkar oss at det er foreslått fleire aktuelle avbøtande tiltak i den nye biologisk mangfald rapporten. Vi føreset at desse tiltaka blir følgt opp som del av detaljplan. Dei andre vilkåra er dei same som i løyve til Nottveit kraftverk av 20.12.2011, jf. løyve til overføringa 27.04.2016.

Om klage og klagerett

Sjå eige vedlegg om klageadgang.



Med helsing

Inga Nordberg
Direktør

Carsten Stig Jensen
seksjonssjef

Dokumentet sendes uten underskrift. Det er godkjent i henhold til interne rutiner

Mottakarliste:

NOTTVEIT ENERGI AS

Kopimottakarliste:

Modalen kommune

STATSFORVALTAREN I VESTLAND

VESTLAND FYLKESKOMMUNE



Orientering om rett til å klage

Frist for å klage	<p>Fristen for å klage på vedtaket er 3 veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket.</p> <p>Det er tilstrekkeleg at du postlegg klagen før fristen går ut. Klagen kan ikkje handsamast dersom det har gått meir enn 1 år sidan NVE fatta vedtaket.</p>
Du kan få grunngjeving for vedtaket	<p>Dersom du har fått eit vedtak utan grunngjeving, kan du be NVE om å få ei grunngjeving. Du må be om grunngjevinga før klagefristen går ut.</p>
Kva skal med i klagen?	<p>Klagen bør vere skriftleg. I klagen må du:</p> <ul style="list-style-type: none">• Skrive kva for vedtak du klagar på.• Skrive kva for eit resultat du ønsker.• Opplyse om du klagar innanfor fristen.• Underteikne klagen. Dersom du brukar ein fullmektig, kan fullmektigen underteikne klagen. <p>I tillegg bør du grunngje klagen. Dette betyr at du bør forklare kvifor du meiner vedtaket er feil.</p>
Du kan få sjå dokumenta i saka	<p>Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.</p>
Vilkår for å gå til domstolane	<p>Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klaga på vedtaket til NVE, og klagen er avgjort av OED som overordna forvaltingsmyndigheit.</p> <p>Du kan likevel gå til søksmål dersom det har gått 6 månader sidan du sende klagen, og det ikkje skuldast forsøming frå di side at klagen ikkje er avgjort.</p>
Sakskostnader	<p>Dersom NVE eller OED endrar vedtaket til din fordel, kan du søke om å få dekkja vesentlege og nødvendige kostnader. Du må søke om dette innan 3 veker etter at klagevedtaket kom fram til deg.</p>
Kven kan klage på vedtaket?	<p>Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.</p>
Kvar skal du sende klagen?	<p>Du må adressere klagen til Olje- og energidepartementet (OED), men sende han til NVE. E-postadressa til NVE er: nve@nve.no. NVE vurderer om vedtaket skal endrast. Dersom NVE ikkje endrar vedtaket vil vi sende klagen til OED.</p>

Denne forklaringa bygger på forvaltningslova sine reglar i §§ 11, 18, 19, 24, 27 b, 28, 29, 31, 32 og 36.